

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Der Nibelunge Lied**

**Leyser, Hermann**

**Leipzig, 1840**

XXIII. Aventiure

[urn:nbn:de:bsz:31-162679](https://nbn-resolving.org/urn:nbn:de:bsz:31-162679)




Wie Ezele vnt Chriemhilt  
nach ir seivaden sanden.

XXIII. Auentiure.



n also hohen eren. daz ist alwar.  
si wonten bi dem kunige. vnz indaz sibende iar.  
di zit diu kuniginne. eines sones was genesen.  
des chunde der chunic Ezele. nimmer vrolicher gewesn.



Sine wolde niht erwinden. sine wrbe sint.  
daz getoofet wrde. daz Ezelen chint.  
nach christenlichem rehte. Ortliup wart ez genant.  
si woldens han zeherrn. ober elliv Ezelen lant.

Swas ie gvoter tugende. an frowen helchen lac.  
des vleiz sich frow Chriemhilt. dar nach vil manigen tac.  
die site si lerte Herrat. diu ellende mit.  
diu hete tougenliche. nach ir frowen groziv leit.


Die fremden vnt die chunden. die iahen da zehant.  
daz nie mitter frowe. besaze ein kuniges lant.  
noch deheiniv tiurer lebte. des iach man ir for war.  
si erwarp ir lop vil grozen. zen Hunin indaz zwelfte iar.

Si hete no wol erchonnen. daz ir niemen widerstont.  
als iz noch fursten wibe. kuniges rechen tvont.  
vnt daz si alle eite. zwelf kunige vor ir sach.  
do gedahtes maniger leide. der ir da heime geschach.

Sie gedaht och maniger eren. von Nibelunge lant.  
der si da was gewaltech. vnt die ir Hagenen hant.  
mit Siurides tode. hete gar benomen.  
si gedaht ob im daz immer. noch zeleide möhte chomen.

Si wuschte daz ir mvoter. wäre in Hunin lant.  
ir trovnte daz ir Giselher. gienge an der hant.  
bi Ezele dem chunige. si chosten zaller stvont.  
vil diche in senstem slafe. sit wart in arebeiten chvont.

Sine chvnde och nie vergezzen. swie wol ir anders was.  
ir starchen hercen leide. in ir hercen si ez las.  
mit iamer zallen stonden. daz man sit wol bevant.  
do begvnde ir aber salwen. von heizen trahen ir gewant.



Ez lac ir an dem hercen. spat unt fruo.  
wie man si ane schulde. brahte der zwo.  
daz si moose minnen. einen heiden man.  
daz het ir frivnt Hagene. vnt ovch Gunther getan.

Daz si daz rechen möhte. des wnschtes alle tage.  
ich bin nu wol so riche. swem iz ovch misschage.  
daz ich wol minen vinden. mac gesvegen leit.  
des wär et ich von Tronege. Hagene gerne bereit.


Nach den getriwen iamert. dichez herce min.  
die mir da leide taten. möht ich bi den gesin.  
so wrde noch errochen. mines mannes lip.  
des ich vil chyme erbite. sprach daz iamerhafte wip.

Ze liebe si do heten. alle skuniges man.  
die Chriemhilde rechen. daz was wol getan.  
der kamern der pflac Ekkewart. da von er frivnt gewan.  
den Chriemhilde willen. mohte niemen verstan.

Si gedahte zallen citen. si wolden kunic biten.  
daz er ir des gunde. mit gvetlichen siten.  
daz man ir frivnde brähte. inder Hunin lant.  
den argen willen niemen. an frown Chriemhilt ervant.

Do si eines nahtes. bi dem kunige lac.  
mit armen umbevungen. als er vil dicke pflac.  
die edelen frowen troeten. si was im so der lip.  
do gedahte an ir vinde. daz vil herliche wip.

Si sprach zu dem kunige. vil lieber herre min.  
ich wolde ouch biten gerne. möht ez mit fvoege sin.  
daz ir mich sehn liezet. wie ich hete daz versolt.  
ob ir minen frivnden. wäret inmechlichen holt.



Do sprach der kunich riche. getriwe was sin mvot.  
ich bringe ouch des wol innen. swa lieb vnt gvot.  
den helden widerfvere. des mvof ich frevde han.  
wande ich von wibes minne. bezzer frivnde nie gewan.

Do sprach div kuniginne. iv ist daz wol geseit.  
ich han vil hoher mage. darombe ist mir so leit.  
daz mich die so selten. rochent hie gesehn.  
ich hore min die tote. niwan for ellende ichn.

Do sprach der kunic Ezele. vil liebiv frowe min.  
dvhtes si niht zeverre. so ladet ich vber Rin.  
swelh ir da gerne sahnt. her inminiv lant.  
div rede ir wol behagete. da si den willen sin ervant.

Si sprach welt ir mir triwe. leisten herre min.  
so solt ir boten senden. von vns vber Rin.  
sone biote ich minen magen. des ich da habe mvot.  
so chvmt vns her zelande. vil manic edel ritter gvot.

Er sprach swenne ir gebietet. so lazet ez gesehyn.  
irn dorftet iwer frivnde. nie so gerne sehn.  
als ich hie gesähe. der edeln Voten chint.  
mich mvot daz harte fere. daz si vns so lange fremde sint.

Er sprach ob dv ez ratest. vil liebiv frowe min.  
di mine videlere. nach den frivnden din.  
wil ich zeboten senden. in Burgonden lant.  
die Ezelen videläre. hiez man bringe sa zehant.

Die knappen chomen beide. da ir herre saz.  
bi der kuniginne. der kunic in sagte daz.  
si solden boten werden. insiner frivnde lant.  
do hiez man in bereiten. harte schiere gvot gewant.

Vnt ir vart gesellen. vier unt zweizech man.  
di mit in varn solden. zen Burgonden dan.  
in tet der chvnich Ezele. chvnt den willen sin.  
wie si laden solden. Gvnt hern mit den frivnden sin.

Do sprach der kunich riche. ich chvndiv minen mvot.  
ich enbvnt minen frivnden. lieb vnt alles gvot.  
daz si geruchen riten. her inminiv lant.  
ich han so lieber geste. harte selten noch bechant.


Vnt ob si mines willen. wellen iht began.  
die mine chonemage. daz si des niht lan.  
sine chomen mir zeliobe. zvo miner hochgecit.  
wande vil der minen wunne. an miner frowen magen lit.

Do sprach der knappen einer. der hiez Swämmelin.  
benennet vns die hochgecit. wenne sol div sin.  
daz miner frowen frivnde. dar zvo mogen chomen.  
des wart der kuniginne. ir leides harte vil benomen.

Do sprach der konic here. die minen hochgecit.  
solt ir ze Rine chvnden. daz ir gewis des sit.  
ze nächten svnewenden. so wil ich si han.  
die vns mit triwen minnen. daz si die reise niht enlan.

Wir tvon swaz ir gebietet. sprach do Wärbelin.  
inir kemenaten. bat si div kunigin.  
bringen tovgenlichen. da si die boten sprach.  
da von sit manigem degene. harte leide geschach.

Si sprach zen boten beiden. ir dienet michel gvot.  
ob ir minen willen. tovgenlichen tvot.  
so sagt swaz ich enbiete. heim in vnser lant.  
ich mache ivch gotes riche. vnt gibe iv herlich gewant.



Swaz ir der minen frivnde. immer moget gefehn.  
ze Wormze bi dem Rine. den solt ir niht veriehn.  
daz ir noch ie gefähet. betroebet minen mvot.  
vnt saget minen dieneft. den heleden chven. vnt gvot.

Gitet daz si leiften. daz in der kunic enbot.  
vnt mich da mite scheiden. von aller miner not.  
die Hvnen mogen wänen. deich ane frivnde si.  
ob ich ein ritter hieze. ich wär in eteswenne bi.


Ir saget ovch Gernote. dem lieben brooder min.  
daz im zer werlde niemen. holder moege sin.  
vnt bitte in daz er svere. mit im indizze lant.  
die vnser besten frivnde. deiz vns zen eren si gewant.

Vnt sagt ovch Gifelhere. er denche wol daran.  
daz er von minen schulden. nie leides niht gewan.  
des sehen in vil gerne. hie div ovgen min.  
daz wolde ich immer mere. hinz im diende sin.

No sagt ovch miner mvoter. die ere die ich han.  
vnt ob von Tronege Hagene. welle dort bestan.  
wer si danne solde. wifen durch div lant.  
dem sint die wege von kinde. her zen Hvnin wol bekant.

Die boten niene wessen. wa von daz was getan.  
daz Hagene der chvene. solde niht bestan.  
hinder in Rine. daz wart in sider leit.  
mit im was manigem degene. zem grimmen tode widerseit.

Goteschaft vnt brieve. daz was nu gegeben.  
si foren gvotes riche. vnt mohten schone lebn.  
vrlouv gab in Ezele. vnt ovch des kuniges wip.  
in was mit richer wäte. vil wol gezieret der lip.



Do der kunic Ezele. von im gefande.  
sine boten zu dem Kine. von manigem lande.  
braht er vil der rechen. zu siner hochgeit.  
der deheiner nimmer mere. chom zu sine lande sit.

